



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1862**

CCCXCIV. Kurfürst Joachim und Markgraf Albrecht vereignen der Stadt  
Frankfurt den Rakowschen Hof in Tzschetzschnow, am 2. Januar 1509.

---

---

**Nutzungsbedingungen**

[urn:nbn:de:hbz:466:1-55756](https://nbn-resolving.org/urn:nbn:de:hbz:466:1-55756)

CCCXCIV. Kurfürst Joachim und Markgraf Albrecht vereignen der Stadt Frankfurt den  
Rakowschen Hof in Tschetschnow, am 2. Januar 1509.

Von gots gnaden Wyr Joachim, des heyligen Romischen Reichs Ertzcamerer, Churfurst, vnd Albrecht, gebruder, Marggrauen zu Brandenburg, zu Stettin, Pomern, der Cassuben vnd Wenden Hertzogen, Burggrauen zu Nurnberg vnd Fursten zu Rügen, Bekennen vnd thun kundt offentlich mit disem Brieue vor vns, vnser Erben vnnnd nachkomen Marggrauen zu Brandenburg vnd sunst vor allermeniglich, die den sehen, horen oder lesen, Das wyr vnfern lieben getrewen Borgermeistern vnd Rathmannen vnser Statt Franckfort an der Oder vff den vertrag, so sy mit vns gehabt vnd gescheene vergnügung, auch jn ansehung Irer getrewen, willigen vnd fleysigen dienst, die sy vnfern vorfaren vnd vns biszher jn gehorsam gethan vnd hinfur wol thun sollen, können vnd mogen, auch zu jrer vnd gemeiner Statt besserung vnd nutz vnd aus sondern gnaden den freyen hof zu Czetzenow mit obersten, nydersten Gerichten, Zynsen, Renthen, gerechtigkeiten, nutzung vnd zugehorung, wie denselben die Rackowen biszhieher von vns vnd vnser herschafft jn lehengebrauch vnd besitzung hergebracht vnd gehabt vnd noch haben, zu einem rechten ewigen eygenthum vorschriben vnd voreygent haben, Verschreyben vnd vereygen gnanten Burgermeistern vnd Rathmannen vnser Statt Franckfort an der Oder, so ytzundt sein vnd jren nachkomen solchen freyen hof zu Czetzenow mit aller seiner zugehorung, nichts aufgenohmen, wie obltet zu einem rechten ewigen Eigenthum jn crafft vnd macht dits Brieues dergestalt vnd Also, das die Rackowen denselben hof mit seiner zugehorung von gnanten Borgermeister vnd Rathmannen oder jren nachkomen hinfür, so oft es not thut zu lehen suchen, empfangen vnd haben sollen vnd so der nach versterben der Rakowen an sy verledigen wyrt oder sy denselben jn ander wege vff einen vertrag oder kauff zu sich bringen wurden, das sy oder jr Nachkomen allzdann solchen freyen hof zu Czetzenow mit obersten, nydersten Gerichten, Zynsen, Renthen, gerechtigkeiten, Nutzung vnd zugehorung zu einem rechten ewigen eygenthum haben vnd nach jrem gefallen, wie ander jr Eygenthums güter genieessen vnd gebrauchen sollen vnd mogen, wie Eygenthums Recht vnd gewonheit, von vns, vnfern Erben vnd nachkomen vnd sunst yedermeniglich vngehendert, doch vns vnd vnser herschafft an vnfern gewonlichen dienst, Obrigkeiten vnd gerechtigkeiten vnd sunst yedermeniglich an seinem Rechten vnshedlich. Zu urckunt mit vnferm Marggrauen Joachims kurfürstlichem anhangendem Insigel versigelt vnd geben zu Coln an der Sprew, am dienstag nach Circumcisionis domini Nach der gepurt Cristi jm fünfzehnhundersten vnd Newnden Jare.

Ex commissione propria Joachim, principis electoris.

Johann Schrag, Secretarius.

Nach dem Originale des Stadtarchives, Tschetschnow No. 12.